

四庫全書

子部

欽定四庫全書

子部
喻林卷一

詳校官中書_臣朱文翰

主事_臣祁韻士覆勘

總校官原任中允_臣王燕緒

校對官中書_臣李斯咏

謄錄監生_臣周元濬

欽定四庫全書

子部十一

喻林

類書類

提要

臣等謹案喻林一百二十卷明徐元太撰元
太字汝賢宣城人嘉靖乙丑進士官至刑部
尚書是書以經史及諸子集中所載古人設
喻之詞廣徵博採彙為一編分立十門每門
又各分子目凡五百八十餘類歷二十餘年

而成復自加刊削而付之梓用心頗為勤至其引書各於條下註明出處篇目次第臚載無遺亦迥異明人剽竊摭掇之陋習特其自序稱閱書四百餘種而檢核書中所列篇籍實不及其半未免涉於誇張又往往隨手摭拾不能得其根源如兒說宋人善辨者一條本出韓非子周人有仕不過者一條本出王充論衡而皆引作藝文類聚又懷金至者至

不生歸一條本出後漢書耿弇傳而引作文
選李善注又頭白可期汗青無日一條本出
唐書劉知幾傳而引作事文類聚又天寒即
飛鳥走獸尚知相依一條本出沈約所作阮
籍詠懷詩註而以為李善此類甚多皆為失
於疎畧蓋其學惟知以汜濫自矜與博而不
能考核精詳故每蹈舛漏之病然自秦漢以
迄六朝文人詞賦多以罕譬為工恣肆汪洋

大都得力於此元太是編蒐羅極備零璣斷壁均足為綴文者沾丐之資猶為有裨藝苑以視坊本類書之叢雜無章者固勝之遠矣乾隆四十四年正月恭校上

總纂官臣紀昀臣陸錫熊臣孫士毅

總校官臣陸費墀

喻林自叙

予至陋且善忘雖稔習篇章久則惘然莫憶故日隨疏
記以識所聞然尤嗜喻言為假譬之殊形異類甚易竅
穿壅遏脩詞者莫可舍旃耳第唐而後學士大夫騷人
墨客咸嗔繁穢乃斷六朝以上自經史子集以及道佛
諸書四百餘種凡語涉比辭者無論聖賢與流略之粕
華目所嘗見必手錄焉即非喻而可為喻猶筆存之頗
慙不急是勤寧免誚生玩喪惟欲砥遺忘之疾且藉鮮

逸心信無補空疎知猶賢乎已已逝從釋褐計有二紀
退食固虛積成鉅帙又病叢穰蔓雜不便省觀因加詮
次成編析分十門列類五百八十有奇摠彙乙百二十
卷迺若糝糠沙石槩未簸淘亦絲蒯竝收期無漏棄也
任江河之多觔自不妨汲祭其中或擇而弗精將漬白
蠅於清醑矣以林名喻豈盡杞梧哉用當厥材醜猶化
好脫在吮齧之却卒然截契有資則匠人碎用足供庶
茲輯亦非纍瓦者此皆督撫巴蜀三征西南之暇所就

會中州何侍御公代天來狩相與提衡最為契洽偶見
抄本謂宜宣布寓中以惠後學予弗獲辭竟災梨棗要
之拾唾為文人莫我知亦莫我罪比學憲郭君博通今
古一代文人海以內仰之不啻麟角鳳毛而序云彙喻
為林自予始予初心豈作始哉至云與予談天下事若
得于喻喻者深私心竊有厚媿夫喻林不足稱文即繆
以文許則文之與武兩途奚翅逕庭三征固恭仗天威
而受益郭君良非渺淺嗣郭君秉鉞黔中拓土開疆元

老壯猷震乎殊俗誠文武為憲質之吉甫寧過遜歟予
病卧敬亭間復翻閱稍為增刪一二猶子胥慶雅有同
嗜取而訂其魯魚帝虎因侈口茲輯匪直騷壇之梗楠
抑亦菰苑之梅檀也當與御覽等編爭奇芳于鄧林遂
鐫之剞劂三征寔錄後藏諸家塾庸廣厥傳予敘其始
末如此

徐元太謹撰

欽定四庫全書

喻林卷一

明 徐元太 撰

造化門一

天道

鼓之以雷霆潤之以風雨日月運行一寒一暑

易繫辭上傳

雷以動之風以散之雨以潤之日以暄之

易說卦傳

萬物尊天而貴風雨所以尊天者為其莫不受命焉也
所以貴風雨者為其莫不待風而動待雨而濡也若使

萬物釋天而更有所受命釋風而更有所仰動釋雨而更有所仰濡則無為尊天而貴風雨矣

管子版法解

天者誠其日德也日誠出誠入南北有極故莫弗以為法則天者信其月刑也月信死信生終則有始故莫弗以為政天者明星其稽也列星不亂各以序行故小大莫弗以章天者因時其則也四時當名代而不干故莫弗以為必然天者一法其同也前後左右古今自如故莫弗以為常

鸛冠子王鈇

天之處高其聽卑其目芒其視察

賈子耳痺

四時者天之吏也日月者天之使也星辰者天之期也

虹霓彗星者天之忌也

淮南子天文訓

天道者無私就也無私去也能者有餘拙者不足順之者利逆之者凶譬如隋侯之珠和氏之璧得之者富失

之者貧

淮南子覽冥訓

夫至明者其照無疆至晦者其暗無疆

春秋繁露奉本

夫本末相兼猶手背之相包一身和則百節皆適天道

順則本末俱暢

郭子註
莊天地

春秋漢舍孽曰強幹弱流天之道

李善註文
選兩都賦

使星司夜月司時猶使雞司晨也

藝文類聚
天部月

斗極天之中也言天者必擬之人故自臍以下人之陰

也自極以北天之陰也

太平御覽
天部下

日月若懸壁五星若編珠

初學記天
部星註

天有四時五行日月相推寒暑迭代其轉運也和而為
雨怒而為風散而為露亂而為霧凝而為霜雪立為炁

蜺此天地之常数也若四時失運寒暑乖違則五緯盈縮星辰錯行日月薄蝕彗孛流飛此天地之色診也

法苑

珠林卷
六十三

形氣

天形穹隆如雞子幕其際周接四海之表浮於元氣之上譬如覆奩以抑水而不沒者氣充其中故也

晉書天文上

虹霓也雲霧也風雨也四時也此積氣之成乎天者也山嶽也河海也金石也水火也此積形之成乎地者也

知積氣也知積塊也奚謂不壞夫天地空中之一細物

有中之最巨者

列子
天瑞

清陽者薄靡而為天重濁者凝滯而為地清妙之合專

易重濁之凝竭難故天先成而地後定

淮南子
天文訓

天地之間有陰陽之氣常漸人者若水常漸魚也所以

異於水者可見與不可見耳其澹澹一也然則人之居

天地之間其猶魚之離水一也

春秋繁露
如天之為

山猶人之有骨節也水猶人之有血脉也

王充論衡
祀義篇

地以名山為輔佐石為之骨川為之脉草木為之毛土

為之肉三尺以上為糞三尺以下為地

博物志

夫天者統元氣焉非止蕩蕩蒼蒼之謂也地者統元形焉非止山川丘陵之謂也人者統元識焉非止圓首方足之謂也

文中子立命

宋均曰渾渾混混雞卵未分也

李善註文選江賦

元氣周行終始無已如水之流不得獨處

李善註文選幽通賦

衆星累累如連貝江河四海如衣帶

李善註文選陸士衡贈顧公真詩

地常動不止而人不知譬如閉舟而行不覺舟之運也

李善註文選張
茂先勵志詩

日薄星迴穹天所以紀物山盈川沖后土所以播氣

文選

陸士衡
演連珠

夫地有形而天無體譬如火焉煙在上灰在下也

太平御覽

天部
下

造化權輿以為東方之氣風也故凍非東風不能解湛

非東風不能溢

埤雅天
道門風

風經曰調暢祥和天之喜氣也折揚奔厲天之怒氣也

埤雅天
道門風

仰觀天形如車蓋衆星纍纍如連貝

初學記天
部星註

土精為石石氣之核也氣之生石猶人筋絡之生爪牙

也

初學記
地部石

日處君而盈度月象臣而虧傍雲逶迤而上布星離離

以舒光

初學記文
部文字

夫土地皆有形名而人莫察焉有龜龍體有鱗鳳貌有

弓弩勢有斗升象有張舒形有塞閉容有隱真之安有

累卵之危有膏腴之利有堵塉之害

事類賦地部地註

地東西為緯南北為經山為積德川為積刑高者為生

下者為死丘陵為牡川谷為牝

事類賦地部地註

天不足西北地不足東南西北為天門東南為地戶天

門無上地戶無下

玉海天文天文書上

昔者周公問於商高曰夫天不可階而升地不可得尺

寸而度請問數安從出商高曰數之法出於圓方

玉海天文

天文
書上

岐伯曰言天者求之本言地者求之位言人者求之氣
交帝曰何謂氣交岐伯曰上下之位氣交之中人之居
也故曰天樞之上天氣主之天樞之下地氣主之氣交
之分人氣從之萬物由之此之謂也

黃帝素問內經
六微旨大論

易稱天玄蓋取幽深之名莊說蒼天近在遠望之色於
是野人信明謂旻青如碧儒士據典謂乾黑如漆青黑
誠異乖體是同儒野雖殊不知是一

法苑珠
林卷二

流行

闔戶謂之坤闢戶謂之乾一闔一闢謂之變往來不窮

謂之通

易繫辭
上傳

鳥獸俄咻俄旬旬俄逃逃草木俄茁茁俄停停俄蕭

蕭天地不能畱聖人不能繫有運者存焉爾

闕尹子
八籌

鶩熊曰運轉亡已天地密移疇覺之哉

列子
天瑞

雜乎芒芴之間變而有氣氣變而有形形變而有生今

又變而之死是相與為春秋冬夏四時行也

莊子
至樂

鈞旋轂轉周而復匝

淮南子
原道訓

日出暘谷入於虞淵莫知其動須臾之間俛人之頸

淮南

子說
林訓

陽陰之時雖異二體常存猶如一鼎之水而未加火純陰也加火極熱純陽也純陽則無陰氣息火水寒則更陰矣純陰則無陽氣加火水熱則更陽矣

春秋繁露
雨雹對

三統者天地人之始道之大綱也五行者品物之宗也道以三興德以五成故三皇五帝三王五伯至道不遠

三五復反譬右循連環順鼎耳窮則反本終則復始也

風俗通
五伯

雷風炫煥與物時行

太玄經
玄圖

日有南有北月有往有來日不南不北則無冬無夏月

不往不來則望晦不成

太玄經
太玄告

夫地之有百川也猶人之有血脉也血脉流行泛揚動
靜自有節度百川亦然其朝夕往來猶人之呼吸氣出

入也

王充論衡
書虛篇

星宿之相次如歲月之相襲新故相易周而復始

太玄經第

六養解

夫五行四時佐天地造物者也然水火相踐金木相代而共成陶鈞之致春秋異候寒暑繼節而俱濟一歲之

功

李善註文選陸士衡演連珠

剖而為二判而為五或為白黑或為水火或為酸醎或

為徵羽

道德經指歸卷八

生剋

露雖湛湛然見陽則乾

毛詩湛露註

五行四時十二月還相為本也五聲六律十二管還相為宮也五味六和十二食還相為質也五色六章十二

衣還相為質也

禮記禮運

譬如火斜照水日斜照鏡則水鏡之光旁照他物若使鏡正當日水正當火則水鏡之光不能有照日之奪月

亦猶是也

春秋正義桓公三年

惟火之為物能鎔金而銷之能燔木而燒之

關尹子四符篇

鍊土生木鍊木生火鍊火生雲鍊雲生水鍊水反土鍊
甘生酸鍊酸生辛鍊辛生苦鍊苦生鹹鍊鹹反甘變宮
生徵變徵生商變商生羽變羽生角變角生宮

淮南子
地形訓

金勝木者非以一刃殘林也土勝水者非以一堞塞江

也

淮南子
說林訓

夫大生小多生少天之道也故丘阜不能生雲雨澍水

不能生魚鼈者小也牛馬之氣蒸生蟣虱蟣虱之氣蒸

不能生牛馬故化生於外非生於內也

淮南子
泰族訓

凡天地之物乘以其泰而生厭於其勝而死四時之變是也故冬之水氣東加於春而木生乘其泰也春之生西至金而死厭於勝也生於木者至金而死生於金者至火而死春之所生而不得過秋秋之所生不得過夏天之數也

春秋繁露
天地之行

金木交刑水火相敵休廢於時吉凶生焉

京氏易
傳隨上

陰陽死于位生于時死于時生于位進退不可詰正盛

則衰來正衰則盛來

京氏易
傳渙中

剛柔相傷火爛銷金

焦氏易林
大壯之遯

五生不相殄五克不相逆不相殄乃能相繼也不相逆乃能相治也相繼則父子之道也相治則君臣之寶也

太玄經
太玄告

水之於火氣志交通然相克害不可其器隔以釜鼎

太玄

經第三

親解

火近於水水則焦遠於水火則炎熾熾怒

太玄經第
四迎解

緯書曰火鑠金鵲啄蜩

爾雅
翼彙

水火相息而更用事猶王者受命改正朔易服色

玉海
周易

鄭康
成注

周髀云日猶火月猶水火則外炁水則含景故月炁生

於日所照魄生於日所蔽當日則炁盈就日則明盡

玉海

天文
圖

木得金而伐火得水而滅土得木而達金得火而缺水

得土而絕萬物盡然不可勝竭

黃帝素問內經
寶命全形論

此五陰滅彼五陰生譬如燈明燈生闇滅燈滅闇生

海空

智藏經
哀歎品

復有風輪名為遍覆劫火燒時普於世界降靈大雨復
有風輪名為乾竭劫水漂時能令彼水悉皆枯涸

大寶
積經

卷八
十五

如水得增上力滅火火得增上力則消水乃至草木各

有相害

大智度論
卷六十八

如水能滅火火不自滅火

大智度論
卷七十

土資水澤金由火煎

高僧傳
十讚

消息

天地不變不能通氣五行迭終四時更廢君臣取象變

節相移能消者息必專者敗此其變易也

周易正義序

天有時以生有時以殺草木有時以生有時以死石有

時以泐水有時以凝有時以澤此天時也

周禮考工記

詩曰高岸為谷深谷為陵三后之姓於今為庶

左傳昭公三十

二年

臣聞峻高者隕茂葉者摧日中則移月滿則虧四時不

竝盛五行不俱馳陰陽更倡氣有盛衰故湓堤之水不

淹其量燼乾之火不復其熾水靜則無漚嚮之怒火消

則無熹毛之熱

吳越春秋句
踐歸國外傳

天不足西北星辰西北移地不足東南以海為池日中

必移月滿必虧

史記曰
者傳

衝風之衰不能起毛羽彊弩之末力不能入魯縞夫盛

之有衰猶朝之必莫也

前漢書韓
安國傳

夫白日登天運景萬里無物不照及其入地一炭之光

不可得見三五盈月清耀燭夜可以遠望及其在晝明

不如鏡

魏志管輅傳注

道有隆窳物有興廢有聲有寂有光有翳朱陽否於素秋玄陰抑於孟春羲和逝而望舒係運氣匿而耀靈陳

蜀志郤正傳

天道不常盛寒暑更進退

蜀志郤正傳註

道罔隆而不殺物無盛而不衰

晉書曹摅傳

有始有終天地之經自非三光誰能不零

晉書左貴嬪傳

且物極則虧禍盈而覆者天之道也

晉書馮跋記

天之道其猶張弓乎高者抑之下者舉之有餘者損之

不足者與之天之道損有餘而補不足

老子天道

庫者隆之因虧者成之漸

子華子執中

凡一氣不頓進一形不頓虧亦不覺其成不覺其虧亦

如人自生至老貌色智能無日不異皮膚爪髮隨生隨

落非嬰孩時有停而不易也

劉子天瑞

物損於彼者盈於此成於此者虧於彼

劉子天瑞

陰極則陽來陰消則陽長衰則退盛則戰

京氏易傳坤中

夫李梅實多者來年為之衰新穀熟者舊穀為之虧自

天地不能兩盈而況於人事乎故利於彼者必耗於此

猶陰陽之不竝曜晝夜之有長短也

鹽鐵論非鞅

江河之溢不過三日飄風暴雨須臾而畢

說苑談叢

黑龍吐光使陰復陽

焦氏易林否之小過

溪谷為陵衰者復興

焦氏易林明夷之比

日月運行一寒一暑榮光赫赫不可得保

焦氏易林中孚之晉

次六月闕其博不如開明于西測曰月闕其博明始退

也

太玄經
第一中

上九陵崢岸峭陁

詩是切

測曰陵崢岸峭陁銳極必崩也

太玄經
第二銳

數多者見貴而實索數少者見賤而實饒

太玄經
玄圖

晝數多夜數少象月闕而日溢君行充而臣行減君子

道全小人道缺

太玄經
玄圖

日一南而萬物死日一北而萬物生斗一北而萬物虛

斗一南而萬物盈

太玄經
玄樞

四時之序節滿卽謝五行之性功成必退故陽極而陰
降陰極而陽并日中則昃月盈則虧此天之常道也勢
積則損財聚必散年盛返衰樂極還悲此人之恒也

劉子

誠
盈

木落歸本水流歸末故水利在亥木利在辰盛衰各得

其所故樂也

前漢書註
京房傳

人之觀火聽雷謂其盈實終以天收雷聲地藏火熱則

為虛無言極盛者亦滅亡也

前漢書註
揚雄傳

太公曰春道生萬物榮秋道成萬物零

李善註文選應
休璉與曹長思

書

一闔一開兩儀之迹一沖一溢懸象之節渙沍期於寒

暑凋蔚要乎春秋

補文選郭
璞客傲

若飄風不終朝兮驟雨不終日雷隆隆而輒息兮火猶

熾而速滅自夫物有盛衰兮況人事之所極

廣文選揚
子雲太玄

賦

月盈則沖華不再繁

廣文選魏文帝丹霞蔽日

日發星迴昊天無以爽其節山盈川沖厚地不能虧其

度

藝文類聚職官部司空表

四運忽其代序兮萬物紛以迴薄覽華時之時育兮察

盛衰之所託感冬索而春敷嗟夏茂而秋落

初學記歲時部秋

天地極則反盈則損日月是也日中則移月滿則虧而

況於人乎

道德經四子集解

是以日中而昃月滿而缺四時變化一消一息高山之

下必有深谷大泉之流必有激波爍金湯石存于凝冰

裂地之端陰陽所成

道德經指歸卷十三

炎極則涼理之恒數物壯則老其義必然

道德經註疏卷三

江河之枯竭兮水流注于海

參同契三
相類上篇

三千三百年為小陽九小百六九千九百年為大陽九

大百六天厄謂之陽九地虧謂之百六

靈寶自然妙經

大海江河猶有枯竭萬仞大魚曝脊在外

出曜經
無常品

有無

凡動息則靜靜非對動者也語息則默默非對語者也然則天地雖大富有萬物雷動風行運化萬變寂然至

無是其本矣

王弼註
易復

天了無質仰而瞻之高遠無極眼瞽精絕故蒼蒼然也譬之旁望遠道之黃山而皆青俯察千仞之溪谷而窈黑夫青非真色而黑非有體也

晉書天文上

一陶能作萬器終無有一器能作陶者能害陶者一道能作萬物終無有一物能作道者能害道者

關尹子
一字篇

寒暑溫涼之變如瓦石之類置之火卽熱置之水卽寒
呵之卽溫吹之卽涼特因外物有去有來而彼瓦石實
無去來譬如水中之影有去有來所謂水者實無去來

關尹子
二柱篇

形動不生形而生影聲動不生聲而生響無動不生無

而生有

劉子
天瑞

有實而無乎處者宇也有長而無本剝者宙也有乎生
有乎死有乎出有乎入出入出而無見其形是謂天門天

門者無有也萬物出乎無有

莊子庚桑楚

光曜問乎無有曰夫子有乎其無有乎光曜不得問而熟視其狀貌窅然空然終日視之而不見聽之而不聞搏之而不得也光曜曰至矣其孰能至此乎予能有無矣而未能無無也

莊子知北遊

夫無形者物之大祖也無音者聲之大宗也其子為光其孫為水皆生於無形乎夫光可見而不可握水可循而不可毀故有像之類莫尊於水

淮南子原道訓

夫秋豪之末淪於無間而復歸於大矣蘆苐之厚通於
無整而復反於敦龐若夫無秋豪之微蘆苐之厚四達
無境通於無圻而莫之要御天遏者其襲微重妙挺捫
萬物揣九變化天地之間何足以論之

淮南子
倣真訓

有有者言萬物摻

參

落根莖枝葉青蔥蒼龍桂

委

扈戶

炫煌蠓飛螻動蚊行喙息可切循把握而有數量有無
者視之不見其形聽之不聞其聲捫門之不可得也望
之不可極也諸與扈治浩浩瀚

汗

瀚不可隱儀揆度而

通光耀者

淮南子
傲真訓

夫木之歿也青青去之也夫使木生者豈木也猶充形者之非形也故生生者未嘗死也其所生則死矣化物者未嘗化也其所化則化矣

淮南子
精神訓

無形生有形故為物大祖也無音生有音故為聲大宗也

淮南子原
道訓解

無為之本則無畱於一象無係於一味故能為形氣之

主動必由之

張湛註別
子天瑞

夫道之而無語名之而無名視之而無形聽之而無聲
則道之全焉故能昭音響而出氣物包形神而章光影
玄以之黑素以之白矩以之方規以之圓圓方得形而
此無形白黑得名而此無名也

張湛註別
子天瑞

道者涵乾括坤其本無名論其無則影響猶為有焉論
其有則萬物猶為無焉繇昔不能計其多少離朱不能
察其髣髴吳札晉野竭聰不能尋其音聲乎窈冥之內
獨狶狶猪疾走不能迹其兆朕乎宇宙之外

抱朴子內
篇道意

如鳥出巢如蛇出穴由其尚有故無所不之

何氏語林
文學魏書

恍惚之數生於毫釐毫釐之數起於度量千之萬之可

以益大

黃帝素問內經
靈蘭秘典論

無形附有形有形為之宅有形附無形無形為之主金庭

無為
妙經

譬如畫師以衆雜彩畫作衆像若男若女若牛若馬凡

夫无知見之則生男女等相畫師了知无有男女

海空
智藏

經持
誠品

譬如根眼開時見色閉時无見

海空智藏
經哀歎品

譬如影光雖可顯說而无實法可令執取雖無可執取

而有所顯照

波羅蜜多經
五百九十六

譬如呼響因於山谷及音聲起無有形狀不可覩見亦

無分別而能隨逐一切語言

大方廣佛華嚴
經卷五十一

知有非實如陽焰水知實非無如火性生

金剛三昧
經卷下

如灰覆火豈得稱無若聞尋聲當知必有

辯正論
卷七

倚伏

九三无平不陂无往不復艱貞无咎

易泰

城復于隍其命亂也

易泰

初九悔亡喪馬勿逐自復

易睽

若四月純陽用事陰在其中靡草死也十月純陰用事

陽在其中齊麥生也

周易正義

水激則旱兮矢激則遠萬物回薄兮振蕩相轉

史記賈生傳

成敗之轉譬若糾墨

史記南越尉佗傳論

陽降陰升一替一興流而為川滯而為陵禍不可攘福

不可徵

晉書摯虞傳

夫明晦迭來屯平代有

南齊書海陵王本紀

晦為明始亂實治基

魏書出帝紀

宋人有好行仁義者三世不懈家無故黑牛生白犢以問孔子孔子曰此吉祥也以薦上帝居一年其父無故而盲其牛又復生白犢其父又復令其子問孔子其子曰前問之而失明又何問乎父曰聖人之言先迕後合其事未究姑復問之其子又復問孔子孔子曰吉祥也

復教以祭其子歸致命其父曰行孔子之言也居一年其子又無故而盲其後楚攻宋圍其城民易子而食之析骸而炊之丁壯者皆乘城而戰死者大半此人以父子有疾皆免及圍解而疾俱復

劉子說符

嶢山崩而薄落之水涸區冶生而淳鈎之劍成紂為無道左強在側太公竝世故武王之功立由是觀之利害之路禍福之門不可求而得也

淮南子覽冥訓

有榮華者必有憔悴有羅紈者必有麻薊

淮南子說林訓

塞上之人有善術者馬無故亡而入胡人皆弔之其父
曰此何遽不為福乎居數月其馬將胡駿馬而歸人皆
賀之其父曰此何遽不能為福乎家富良馬其子好騎
墮而折其髀人皆弔之其父曰此何遽不為福乎居一
年胡人大入塞丁壯者引弦而戰近塞之人死者十九
此獨以跛之故父子相保故福之為禍禍之為福化不
可極深不可測也

淮南子
人間訓

禍與福同門利與害為鄰非神聖人莫之能分

淮南子
人間訓

貞良而凶先人餘殃猖蹶而活先人餘烈

說苑談叢

天地之道極則反滿則損五采曜眼有時而渝茂木豐

草有時而落物有盛衰安得自若

說苑談叢

天將與之必先苦之天將毀之必先累之

說苑談叢

有奇福者必有奇禍有甚美者必有甚惡

列女傳周列國晉羊叔姬

盛中後跌衰者復掇盈滿或毀疾羸肥

焦氏易林避之坎

利端始萌害漸亦芽速速方轂夭夭是加欲豐其屋乃

蔀其家

蔡中郎集釋誨

豈覺崇替之相為昔尾哀樂之相為朝暮

抱朴子外篇知止

昔宋人有白犢之祥而有失明之禍雖有失明之禍以至獲全之福北叟有胡馬之利卒有奔墜之患雖有奔

墜之患以至保身之福

劉子禍福

禍福同根妖祥共域

劉子禍福

人皆愛少而惡老重榮而輕悴故簪珥英華而焚灰枯

朽莫識枯朽生於英華英華歸於枯朽

劉子言苑

禍福相為表裏如糾繩索相附會也

前漢書註賈誼傳

得固易失榮難久恃膏以明自煎人以財興累

李善注
文選阮

嗣宗詠
懷詩

春秋相代若環之無端天道常也譬如天馬本出西北

忽由東道況富之與貧貴之與賤易至乎

李善注文選
阮嗣宗詠懷

詩

福為禍始禍作福階天地盈虛寒暑周迴

文選盧諶
贈劉琨詩

休咎相乘躡翻覆若波瀾

文選陸機
君子行

禍福相轉利害相生如循環而運九耳其作不可見其

端不可覺

意林
唐子

一宅同姓相代或吉或凶一官同姓相代或遷或免成
康居之而興幽厲居之而衰吉凶興衰在人不由宅矣

意林
潛

夫論

董生有云弔者在門賀者在閭言有憂則恐懼敬事敬
事則必有善功而福至也又曰賀者在門弔者在閭言
受福則驕奢驕奢則禍至故弔隨而來

藝文類聚人
部鑒誠書

蓋聞市朝遷貿山川悠遠是以狐兔所處由來建始之

宮荆棘參天昔日長洲之苑

文苑英華
庚信連珠

夫否終斯泰屯極則亨若日月之廻環猶陰陽之報復

文苑英華徐
陵邊防上書

阮嗣宗蘇門歌曰日沒不周西月出丹淵中陽精蔽不

見陰光代為雄亭亭在須臾厭厭將復隆富貴俯仰間

貧賤何必終

困學紀聞卷
十三政史

利為福始利與害同門福為禍先禍與福同鄰

道德經
四子集

解

譬如有人閉在暗室眼無所見復有異人曾受苦惱作
是思惟此人受苦甚為可愍若不得脫是人必死以火
與之令得少明時暗室人見火歡喜心得安穩爾時彼
火以少因緣熾然火焰燒彼暗室爾時彼人被燒而死

僧伽吒
經卷三

夫貴賤靡恒貧富無定譬水火更王寒暑遞來

法苑珠
林卷二

三十

相須

剛柔分動不溷乃明雷電竝合不亂乃章

王弼注
易噬嗑

子夏傳云地得水而柔水得地而流故曰比

周易音
義比

彼迴風從上下谷風未與相扶謂之為頽若谷風既與

相扶而上則為歟不復為頽也

毛詩正
義谷風

方祇體安儷乾儀而合德圓舒循畧配義曜以齊明故
知陽爍陰凝萬物假其陶鑄火炎水潤六氣由其調理

晉書恭思
褚皇后傳

金木水火土其勢相害其道相待故至寒傷物无寒不

可至暑傷物无暑不可

文子自然

天不發其陰則萬物不生地不發其陽則萬物不成天

圓地方道在中央

淮南子天文訓

正月失政七月涼風不至二月失政八月雷不藏三月

失政九月不下霜四月失政十月不凍五月失政十一

月蟄蟲冬出其鄉六月失政十二月草木不脫七月失

政正月大寒不解八月失政二月雷不發九月失政三

月春風不濟十月失政四月草木不實十一月失政五

月下電霜十二月失政六月五穀疾狂

淮南子
時則訓

以水和土以土和火以火化金以金治木木復反土五

行相治所以成器用

淮南子
地形訓

川竭而谷虛丘夷而淵塞脣竭而齒寒河水之涸其壤

在山

淮南子
說林訓

金與水二氣相資父子之謂

京氏易
傳訟中

一晝一夜然後作一日一陰一陽然後生萬物

太玄經
玄圖

朗月竝衆星日出擅其明冬寒地為裂春和草木榮陽

德雖普濟非陰亦不成

藝文類聚
天部星詩

一晝一夜成一日一男一女成一室

意林風
俗通

譬如木牀離木无牀離牀无木

海空智藏
經哀數品

陽不獨王以陰為得陰不獨王以陽為得亦如冬以溫

暖為德夏以涼冷為德男以女為德女以男為德之義

黃帝宅
經上

譬如泥瓶泥與瓶合泥滅瓶成而是泥相終不名瓶瓶

雖非泥不餘處來以泥因緣而生是瓶

海空智藏
經哀數品

相禪

日往則月來月往則日來日月相推而明生焉寒往則

暑來暑往則寒來寒暑相推而歲成焉

易繫辭下傳

三心五噉四時更見

毛詩小星注

陰陽協氣而代謝寒暑隨時而推移

晉書成公綏傳

夫天地一險一易若鼓之有桴槌擋則擊

管子宙合

朱明長嬴不能盡其所以為溫也必隨之以摯斂之氣而為秋玄武涸陰不能盡其所以寒也必隨之以敷榮

之氣而為春孰為此者天也天且不可以盡而況人乎

子華子
執中

將來者進成功者退已用則賤當時則貴

太玄經
太玄文

萬物罔乎北直乎東蒙乎南面乎西冥乎北故罔者有
之舍也直者文之素也蒙者亾之主也面者生之府也

冥者明之藏也

太玄經
太玄文

春榮秋落四時所以迭代金行水流五德所以互序

藝文

類聚帝王部
陳武帝表

日沒不周西月出丹淵中陽精蔽不見陰光代為雄何

語林言志
魏氏春秋

四時更運功成則移道德經注

譬如花果花生无果果生无花海空智藏經問病品

如彼水上泡一生而一滅中陰經卷下

循環三界內猶如汲井輪佛說身觀經當九

譬如雞生卵卵生雞從卵生卵從雞生雞人生死亦如

是無有絕時那先比丘經卷中

去而復生如火燄之連出來而更逝若水波之續轉

集沙

門不應拜俗等
事卷二〇冠二

至大

時有俊風俊者大也大風南風也何大於南風也曰合

冰必於南風解冰必於南風生必於南風收必於南風

故大之也

大戴禮記
夏小正

樸至大者無形狀道至眇者無度量故天之圓也不得

規地之方也不得矩

淮南子
齊俗訓

夫天地之施化也嘔之而生吹之而落豈此契契哉故凡可度者小也可數者少也至大非度之所能及也至衆非數之所能領也故九州不可頃畝也八極不可道里也太山不可丈尺也江海不可斗斛也故大人者與

天地合德日月合明鬼神合靈四時合信

淮南子
泰族訓

包裹天地陶冶萬物大通混冥濶廣大不可為外析

毫剖芒不可為內無環堵之宇而生有無之根

淮南子
俶真訓

鯤鵬方之猶蚊蚋蚤蟲耳則太虛之所受亦奚所不容

哉

張湛注
劉子陽問

雖有至明而有形者不可畢見焉雖稟極聰而有聲者不可盡聞焉雖有大章豎亥之足而所常履者未若所不履之多雖有禹益齊諧之識而所識者未若所不識之衆也

抱朴子內篇論仙

天稱其高者以無不覆地稱其廣者以無不載日月稱其明者以無不照江海稱其大者以無不容

文選曹植求通表

挹朝夕之池者無以測其淺深仰蒼蒼之色者不足知

其遠近

文選王少頭陀寺碑文

夫九蒼之高迅羽不能尋其巔四溟之深幽鱗不能測

其底

廣文選阮嗣宗答伏羲書

天不可階而升地不可尺寸而度

太平御覽地部地上

且夫陰陽者有名而無形故數之可十離之可百散之

可千推之可萬

黃帝素問靈樞經陰陽繫日月

大海虛谷百川競湊至道寥廓萬物歸之

道德經註疏卷三

夫道不為萬物而生春萬物感春炁而自生秋不為萬

物而殺萬物感秋炁而自殺其為生也不恃其恩不求其報故其恩大矣其為殺也不恃其威不求其懼其威

大矣

天機經
蠢然

譬如虛空無有邊際不可思議

金剛三昧
經卷下

又如空中種種色相現增現減而此虛空無增無減

佛說

佛地經
卷五

至神

其受命也如嚮无有遠近幽深遂知來物

易上
繫

神也者妙萬物而為言者也動萬物者莫疾乎雷撓萬物者莫疾乎風燥萬物者莫熯乎火說萬物者莫說乎

澤潤萬物者莫潤乎水

易說卦傳

雷出地奮震驚百里山出雲雨以潤天下

毛詩殷其雷

且夫天地為鑪兮造化為工陰陽為炭兮萬物為銅合

散消息兮安有常則千變萬化兮未始有極

史記賈生傳

一在而不可見道在而不可專切譬于淵其深不測凌

凌乎泳澹波而不竭

鵜冠子能天

天地未剖陰陽未判四時未分萬物未生注然平靜寂然清澄莫見其形若光燿之間於無有退而自失也曰予能有無而未能無無也及其為無無至妙何從及此

哉

淮南子
淑真訓

崑崙之丘或上倍之是謂涼風之山登之而不死或上倍之是謂縣圃登之乃靈能使風雨或上倍之乃維上

帝登之乃神是謂大帝之居

淮南子
地形訓

寒不能生寒熱不能生熱不寒不熱能生寒熱故有形

出於無形未有天地能生天地者也

淮南子
說山訓

卜者操龜筮者端策以問於數安所問之哉

淮南子
說林訓

夫鬼神視之無形聽之無聲然而郊天望山川禱祠而

求福雩禱而請雨卜筮而決事

淮南子
泰族訓

雖乘雲附景不足以比速晨晷失羣不足以喻疾

文選
海賦

注

疾雷不及塞耳疾電不暇掩目

埤雅
天雷
道門

山川石水井竈洿池猶有精氣人身之中亦有魂魄況

天地為物物之大者於理當有精神有精神則宜賞善

罰惡但其體大網疏不必機發而應耳

太平御覽
妖異部精

道無始故迎之不見其首道無終故隨之不見其後

道德

經註疏

卷二

弧弓為射非弦而不能發天之為射無弓必中

道德經
四子集

解

譬彼虛空無有動住無起無作無彼無此

金剛三昧
經卷上

譬如呼響於善惡聲無所是在亦無所受

佛說魔逆
經手十

譬如虛空本來不生不生故無滅滅無故無物可離故

名虛空

力莊嚴三昧經卷下

至虛

天地之道其猶鼓籥以虛為德自近及遠者也

後漢書郎顗別

傳

天地之間其猶橐籥乎虛而不屈動而愈出

老子虛用

水可析可合精無人也火因膏因薪神無我也

關尹子四符篇

於穆無窮變無形像優游委縱如響之與景

淮南子原道訓

在於小則忘於大在於中則忘於外在於上則忘於下
在於左則忘於右無所不充則無所不在是故貴虛者

毫末為宅也

淮南子
原道訓

天無情於生死則不可以情而憾怨故暄然而春榮華


者不謝悽然而秋凋零者不憾

劉子
言苑

太素之前幽清寂寞不可為象惟虛惟無蓋道之根也

藝文類聚

天部上天



喻林卷一

欽定四庫全書

子部
喻林卷二

詳校官中書_臣朱文翰

主事_臣祁韻士覆勘

總校官原任中允_臣王燕緒

校對官中書_臣李斯咏

謄錄監生_臣周元濬

欽定四庫全書

喻林卷二

明 徐元太 撰

造化門二

不奪

金水之明內鑒火日之光外輝剛施柔受陽勝陰伏晉書

紀瞻傳

水火不相入天之制也鵠冠子天則

不害其方者反而對各當其所若左右不離公孫龍子通變論註

青者木之色其方在東白者金之色其方在西東西相反而相對也東自極於東西自極於西故曰不相隣也東西未始不相接而相接不相害故曰相隣不害其方

也

公孫龍子
通變論註

規生矩殺衡長權藏繩居中央為四時根

淮南子
天文訓

孟春始羸孟秋始縮仲春始出仲秋始內季春大出季秋大內孟夏始緩孟冬始急仲夏至修仲冬至短季夏

德畢季冬刑畢

淮南子
時則訓

天為繩地為準春為規夏為衡秋為矩冬為權繩者所以繩萬物也準者所以準萬物也規者所以員萬物也衡者所以平萬物也矩者所以方萬物也權者所以權

萬物也

淮南子
時則訓

夫寒之與煖相反大寒地圻水凝火弗為衰其暑大熱鏐石流金火弗為益其烈寒暑之變無損益於已質有

之也

淮南子
詮言訓

陰陽不能且冬且夏月不知晝日不知夜

淮南子
說山訓

冬有雷電夏有霜雪然而寒暑之勢不易小變不足以

妨大節

淮南子
說林訓

雷震乎天風薄乎山雲徂乎方雨流乎淵其事失乎

楊子

寡見

天道成規地道成矩規動周營矩靜安物

太玄經
玄圖

是故地坎而天巖月遯而日湛五行迭王四時不俱壯

日以昱乎晝月以昱乎夜昴則登乎冬火則發乎夏

太玄

經太
玄告

至大有所不能變極細有所不能奪故冰霜肅殺不能
凋菽麥之茂熾暑鬱隆不能消雲山之凍飈風蕩海不
能使潛泉揚波春澤榮物不能使枯卉發花

抱朴子外
篇博喻

去濕就燥火之勢也遠高從下水之性也

劉子
思順

四運雖鱗次理化各有準

文選殷仲文
九井作詩

水可乾而不可奪濕火可滅而不可奪熱金可柔而不

可奪重石可破而不可奪堅

意林
任子

男女總名為人天地所以無總名何天圓地方不相類

也天左旋地右周猶君臣陰陽相對向也

藝文類聚
天部上天

夫水決之則流壅之則腐火奮之則燥停之則明

金庭
無為

妙經

如水能漬火能燒各自有力

大智度論
卷二十四

如火以燒為力水以潤為力

大智度論
三十三

不變

天不變其常地不易其則春秋冬夏不更其節

管子
形勢

天不能以早為晚地不能以高為下人不能以男為女

鶡冠子
兵政

鵬化為鵬一物化為一物如石移於左終是何者之右

公孫龍子通變論註

五行之物可變改者唯土也埏以為馬變以為人是謂未入陶竈更火者也如使成器入竈更火牢堅不可復

變

王充論衡無形篇

水性宜冷而有華陽溫泉猶曰水冷冷者多也火性宜熱而有蕭丘寒炎猶曰火熱熱者多也迅風揚波高下相臨山隆谷窪差以尋常較而望之猶曰水平舉大體也故世之論事皆取其多者以為之節

劉子從化

荊者非無東西也而謂之南其南者多也

文選魏都賦註

夫春生秋殺天道之常春一物枯卽為灾秋一物華則

為異

補文選張敏駁報仇議

盛夏之時當風而立隆冬之月嚮日而坐其夏欲得寒

冬欲溫也或當風鼓翼向日燃爐然而天終不為冬夏

易氣者寒暑有節不為人變改

太平御覽時序部夏中

不竭

渤海之東不知幾億萬里有大壑焉實惟無底之谷其

下無底名曰歸墟八紘九野之水天漢之流莫不注之

而無增無減焉

列子
湯問

諄芒將東之大壑適遇苑風於東海之濱苑風曰子將奚之曰將之大壑曰奚為焉曰夫大壑之為物也注焉

而不滿酌焉而不竭吾將游焉

莊子
天地

風之過河也有損焉日之過河也有損焉請只風與日

相與守河而河以為未始其撓也恃源而往者也

莊子
徐無

鬼

指窮於為薪火傳也不知其盡也

莊子養生主

明晦相推而日月逾邁歲歲相盪而天地彌陶

太玄經太玄告

夫盡於一形者皆隨代謝而遷革矣故生者必終而生

生物者無變化也

張湛註列子天瑞

如大海水還復周流無盡時

三十六部尊經黃林經

又如空中種種色相現生現滅而此虛空無生無滅

佛說

佛地經卷五

彼劫量者譬如有人造一大城廣十二由旬高三由旬

於彼城中置以胡麻悉皆充滿忽有一人百年一來取
一胡麻而擲於外如是一來一擲乃至胡麻擲盡城亦
破壞此劫數量亦復未盡又復譬如有一大山廣二十
五由旬高十二由旬有長壽天百年一來一坐其山以
憍尸迦衣拂其山石如是一來一拂乃至彼山拂盡其
劫數量亦復未盡

正法經
卷一

世界無窮如車輪無初無後

大智度
論卷二

自然

秋霜降者草花落水搖動者萬物作此必然之效也

史記李斯傳

凡道無根無莖無葉無榮萬物以生萬物以成

管子內業

女聞人籟而未聞地籟女聞地籟而未聞天籟夫子游
曰敢問其方子綦曰夫大塊噫氣其名爲風是唯無作
作則萬竅怒號而獨不聞之琴琴乎山林之畏佳大木
百圍之竅穴似鼻似口似耳似枅似圈似臼似注者似
汚者激者謫者叱者吸者呌者譟者突者咬者前者唱
于而隨者唱喁冷風則小和飄風則大和厲風濟則衆

竅為虛而獨不見之調調之刁刁乎子游曰地籟則衆
竅是已人籟則比竹是已敢問天籟子綦曰夫吹萬不
同而使其自已也咸其自取怒者其誰邪

莊子齊
物論

春雨日時草木怒生銚鐻於是乎始脩草木之倒植者
過半而不知其然

莊子
外物

天德而出寧日月照而四時行若晝夜之有經雲行而

雨施矣

莊子
天道

人謂目能見物而目以因火見是目不能見由火乃得

見也然火非見白之物則目與火俱不見矣然則見者誰乎精神見矣夫精神之見物也必因火以目乃得見矣火目猶且不能為見安能與神而見乎則神亦不能

見矣

公孫龍子
堅白論註

天不言而人推高焉地不言而人推厚焉四時不言而

百姓期焉

荀子
不苟

夫萍樹根於水木樹根於土鳥排虛而飛獸蹠實而走蛟龍水居虎豹山處天地之性也兩木相摩而然金火

相守而流負者常轉窾者主浮自然之勢也是故春風

至則甘雨降生育萬物羽者嫗伏毛者孕育草木榮華

鳥獸卵胎莫見其為者而功既成矣秋風下霜羣生挫

傷鷹鵬搏鷖昆蟲蟄藏草木注根魚鼈湊淵莫見其為

者滅而無形

淮南子
原道訓

或問雕刻衆形者匪天歟曰以其不雕刻也如物刻而

雕之焉得力而給諸

楊子
問道

若風之噫噓而物竅皆鳴日之臨照而物狀皆朗不行

而赴不疾而馳此之謂機

天祿閣外史琴論

汲井決陂灌溉園田物亦生長需然而雨物之莖葉根核莫不治濡程量樹澤孰與汲井決陂哉故無為之為大矣本不求功故其功立本不求名故其名成沛然之雨功名大矣而天地不為也氣和而雨自集

王充論衡自然篇

天道無為故春不為生而夏不為長秋不為成冬不為

藏陽氣自出物自生長陰氣自起物自成藏

王充論衡自然篇

地之有萬物猶天之有列星也

王充論衡感虛篇

夫鑿龜數筮可以知吉凶然不能為吉凶何者吉凶可

知而不可為也

稽中散集宅無
吉凶攝生論

天地以自然運聖人以自然用自然者道也

張湛註列
子仲尼

夫有形必有影有聲必有響此自然而並生俱出而俱

沒豈有相資前後之差哉

張湛註列
子天瑞

俗人見天地之大也以萬物之小也因曰天地為萬物

之父母萬物為天地之子孫夫蟲生於我豈我之所作

故蟲非我不生而我非蟲之父母蟲非我之子孫蟻蠆

之育於醯醢芝櫛之產於木石蛭蝨之滋於污淤翠蘿之秀於松枝非彼四物所創匠也萬物盈乎天地之間

豈有異乎斯哉

抱朴子內篇塞難

天有日月寒暑人有瞻視呼吸以遠況近以此推彼人不能自知其體老少痛痒之何故則彼天亦不能自知其體盈縮災祥之所以人不能使耳目常聰明榮衛不輟閱則天亦不能使日月不薄蝕四時不失序

抱朴子內篇塞

難

夫腹背雖包圍五臟而五臟非腹背之所作也肌膚雖
纏裹氣血而氣血非肌膚之所造也天地雖含囊萬物
而萬物非天地之所為也譬猶草木之因山陵以萌秀
而山陵非有事焉魚鱉託水澤以產育而水澤非有為
焉

抱朴子內
篇塞難

乾坤方圓非規矩之功三辰摛景非瑩磨之力春華榮
煥非漸染之采蒞蕙芬馥非容氣所假知夫至真貴乎

天然也

抱朴子外
篇辭義

天地以萬物為體而萬物必以自然為正故大鵬之能
高斥鷃之能下椿木之能長朝菌之能短凡此皆自然
之所能非為之所能也

郭子註莊
逍遙遊

天不為覆故能常覆地不為載故能常載使天地而為
覆載則有時而息矣使舟能沈而為人浮則有時而沒
矣故物為焉則未足以終其生也

郭子註莊
德充符

尸子曰天地之道莫見其所以長物而物長聖人之道

亦然

李善註文選顏
延年釋奠會詩

鳴籟受響非有志於要風消流長邁寧厝心於歸海是以萬竅怒號不扣而咸應百川是納用卑而為宰

廣文選沈

休文連珠

陰凝上結則合而成雲陽散下流則降而為雨

埤雅天道門雲

象齒感雷莫之為而文生天象亦感氣莫之為而文生

埤雅品物門象

天地非有為焉正其道而物自然陰陽四時非生萬物也雨露時降非養草木也神明接陰陽和萬物生矣

道德

經四子

集解

火動而炎上水流而潤下非有師導使其然也

參同契

有以無為母無以虛為母虛以道為母自然者道之根

本也

西昇經

道德天地水火萬物高山深淵各有所歸之夫道非欲
於虛虛自歸之德非欲於神神自歸之天非欲於清清
自歸之地非欲於濁濁自歸之濕非欲於水水自歸之
燥非欲於火火自歸之萬物非欲見於形形自見之高

山大澤非欲於飛鳥虎狼飛鳥虎狼自來歸之深淵河
海非欲於魚鼈蛟龍魚鼈蛟龍自來歸之人能虛空無
為非欲於道道自歸之

西昇經

不雕刻而萬物成不提挈而萬物生

金庭無為妙經

譬如日出於閭浮提先照一切須彌山等諸大山王次
照黑山次照高原然後普照一切大地日不作念我先
照此後照於彼但以山地有高下故照有先後

大方廣
佛華嚴

經卷
五十

如日月光照拘牟頭分陀利鬱波羅華等或有合者或有開者或墮落者非是日月有分別心何以故日月無心故以無心故自開自落非日月過

文殊師利問經卷下

無私

天之生物必因其材而篤焉故裁者培之傾者覆之

中庸

風漂物者也風之所漂不避貴賤美惡雨濡物者也雨之所墮不避小大強弱風雨至公而無私所行無常鄉人雖遇漂濡而莫之怨也

管子形勢解

天無不覆有生有殺而天無愛惡日無不照有妍有醜

而日無厚薄

闕尹子
二柱

塊軋森琅孰燂得之至得無私泛泛乎若不繫之舟能

者以濟不能者以覆

鷗冠子
世兵

得機無小滅宗無大則此言鬼神之所賞無小必賞之

鬼神之所罰無大必罰之

墨子明
鬼下

天無私覆也地無私載也日月無私燭也四時無私行

也行其德而萬物得遂長焉

呂氏春
秋去私

天地無予也故無奪也日月無德也故無怨也喜德者必多怨喜予者必善奪利則為害始福則為禍先唯不求利者為無害唯不求福者為無禍

淮南子
詮言訓

天地福順而禍逆山川福卑而禍高人道福正而禍邪

太玄經
玄瑩

天地為萬物之父母以其無所偏為故能予萬物

郭子
註莊

達
生

造化為人亦猶陶之造瓦耳

前漢書註
賈誼傳

聖人之憂憂君子之道不長小人之道不消黍稷之不

茂荼蓼之蕃殖至於乾坤簡易是常無偏於生養無擇

於人物不能委曲與彼聖人同此憂之

李善註文選魏都賦

生之無亭毒之心死之豈虔劉之志墜之淵泉非其怒

升之霄漢非其悅

文選劉峻辨命論

夫日之朝見隨隙穴大小而納照風之夕散因形物巨

細而賦音

文選陸士衡演連珠

日月為天下眼目人不知德山川為天下衣食人不能

謝

太平御覽
天部三上

夫五運之政猶權衡也高者抑之下者舉之化者應之

變者復之

黃帝素問內經
氣交變大論

天道賞善罰惡治人之身若大匠作器善者則成惡者

則敗也

道德經註
疏卷八

慈雲降潤不別蕭蘭慧日流輝寧分岸谷

法苑珠林
卷五十五

盛德

井用有常德終日引汲未嘗言損終日泉注未嘗言盈

故曰无喪无得也

周易正義并

天下之物莫柔弱於水然而大不可極深不可測修極於無窮遠淪於無涯息耗減益通於不訾上天則為雨露下地則為潤澤萬物不得不生百事不得不成大包羣生而無所私澤及蚊虻而不求報富贍天下而不既德施百姓而不費行而不可得窮極也微而不可得把握也擊之無創刺之不傷斬之不斷焚之不然淖溺流遁錯繆相紛而不可靡散利貫金石強濟天下動容無

行之域而翱翔忽區之上遭回川谷之間而滔騰大荒
之野有餘不足任天下取與萬物而無所前後是故無
所私而無所公靡濫振蕩與天地鴻洞無所左而無所
右蟠委錯紛與萬物始終是謂至德夫水所以能成其
至德於天下者以其淖溺潤滑也

淮南子
原道訓

木主生而金主殺火主暑而水主寒使人必以其序官
人必以其能天之數也土居中央為之天潤土者天之
股肱也其德茂美不可名以一時之事故五行而四時

者土兼之也

春秋繁露
五行之義

陰猶沈也何名何有皆并一於陽昌力而辭功故出雲

起雨必令從上之下命之曰天雨不敢有所出上善而

下惡惡者受之善者不受

春秋繁露
陽尊陰卑

忠臣之義孝子之行取之土土者五行最貴者也其義

不可以加矣五聲莫貴於宮五味莫美於甘五色莫貴

於黃

春秋繁露
五行對

夫土者掘之得甘泉焉樹之得五穀焉草木殖焉鳥獸

魚鼈遂焉生則立焉死則入焉多功不言賞世不絕故

曰能為下者其惟土乎

韓詩外傳

五嶽者何謂也泰山東嶽也霍山南嶽也華山西嶽也常山北嶽也嵩山中嶽也五嶽何以視三公也能大布雲雨焉能大歛雲雨焉觸石而出膚寸而合不崇朝而雨天下施德博大故視三公也四瀆者何謂也江河淮濟也四瀆何以視諸侯能蕩滌垢濁焉能通百川於海能出雲雨千里焉為施甚大故視諸侯也

說苑辨物

子貢問曰君子見大水必觀焉何也孔子曰夫水者君子比德焉遍予而無私似德所及者生似仁其流卑下句倨皆循其理似義淺者流行深者不測似智其赴百仞之谷不疑似勇綿弱而微達似察受惡不讓似包蒙不清以入鮮潔以出似善化至量必平似正盈不求槩似度其萬折必東似意是以君子見大水觀焉爾也

說苑

雜言

夫智者何以樂水也曰泉源瀆瀆不釋晝夜其似力者

循理而行不遺小間其似持平者動而之下其似有禮者赴千仞之壑而不疑其似勇者障防而清其似知命者不清以入鮮潔而出其似善化者衆人取平品類以正萬物得之則生失之則死其似有德者淑淑淵淵深不可測其似聖者通潤天地之間國家以成是知之所以樂水也

說苑雜言

天下之平莫盛於停水無情至平故天下取正焉

郭子註莊

德充符

孝經援神契曰五岳之精雄聖四瀆之精仁明

李善註
文選蔡

伯喈太
丘碑文

顧夷子與子華游東池子華曰水有四德沐浴羣生深
流萬世是仁也揚清激濁蕩去滓穢是義也柔而難犯
弱而難勝是勇也道江䟽河惡盈流謙是智也

太平御
覽地部

水上

唯日之行天有常進退有率不遲不疾不外不內人君

德也

玉海天文
書下

百工之治殊事異方漚爛金石破堅折剛平微正妙解
緩羣形和調五味蕩滌臭腥攻堅陷大非水不行夫何
故哉衆物態能莫之與雙也

道德經指
歸卷十三

譬如日月雖照一切而不分別我發光明能有所照然
有情類自業勢力感得日月晝夜巡照

波羅蜜多經卷
五百六十九

如日月光利益諸華雖有此力不求恩報何以故日月

無心故

文殊師利
問經卷下

海懷衆珍黃金白銀琉璃水精珊瑚龍蛟明月神珠千

奇萬異無求不得斯四德也

海八德
經尺一

普天之下有五大河流行注海西流者名恒南流者名
邪云東流者兩河一名沙陸一名阿夷越北流名墨五
河流邁俱入於海皆去舊名合為海斯五德也

海八德
經尺一

生物

天地解而雷雨作雷雨作而百果草木皆甲拆

易解

夫乾其靜也專其動也直是以大生焉夫坤其靜也翕

其動也闢是以廣生焉

易繫辭
上傳

天地絪縕萬物化醇男女構精萬物化生

易繫辭下傳

南山既能高峻又以草木平滿其旁倚之畎谷使之齊

均也

鄭氏箋詩節南山

榛桔濟濟是廣山之德澤也山之德澤既廣則山之為

神益尊

毛詩正義天作

獨陰不生獨陽不生獨天不生三合然後生

穀梁莊公三年

今夫天斯昭昭之多及其無窮也日月星辰繫焉萬物

覆焉今夫地一撮土之多及其廣厚載華嶽而不重振

河海而不洩萬物載焉今夫山一卷石之多及其廣大
草木生之禽獸居之寶藏興焉今夫水一勺之多及其
不測黿鼉蛟龍魚鼈生焉貨財殖焉

中庸

夫天地者萬物之官府山川者雲氣之丘墟萬物之生
遂則官府之功大雲雨施其潤則丘墟之德厚

後漢紀
光武八

日往月來唯天所以運序山鎮川流唯地所以宣氣運

序則寒暑無差宣氣則雲雨有作故能成天地之大德

育萬物而為功

隋書高
帝紀下

一雌一雄卵生一牡一牝胎生

闕尹子
二柱篇

核芽相生不知其幾萬株天地雖大不能芽空中之核
雌卵相生不知其幾萬禽陰陽雖妙不能卵無雄之雌

闕尹子
四符

今以涅槃縑則黑於涅以藍染青則青於藍涅非縑也
青非藍也茲雖遇其母而無能復化已是何則以諭其
轉而益薄也何況夫未始有涅藍造化之者乎其為化
也雖鏤金石書竹帛何足以舉其數

淮南子
傲真訓

天心吐虛唵吟者也故一動其本而百枝皆應若春雨

之灌萬物也渾然而流沛然而施無地而不澍無物而

不生

淮南子
泰族訓

高山深林非為虎豹也大木茂枝非為飛鳥也流源千

里淵深百仞非為蛟龍也致其高崇成其廣大山居木

棲巢枝穴藏水潛陸行各得其所寧焉

淮南子
泰族訓

天地之化春氣生而百物皆出夏氣養而百物皆長秋

氣殺而百物皆死冬氣收而百物皆藏

春秋繁露
循天之道

水土相得萬物蕃殖

焦氏易林解之隨

陽氣和震圜煦釋物咸稅其枯而解其甲

太玄經第二釋

雷椎歊

日感切

寧

徒感切

輿物旁震

太玄經玄圖

龍幹於天長類無疆

太玄經玄圖

夫物不因不生不革不成故知因而不知革物失其則

知革而不知因物失其均革之匪時物失其基因之匪

理物喪其紀

太玄經玄瑩

人生於天地也猶魚之於淵蟣虱之於人也因氣而生

種類相產萬物生天地之間皆一實也

王充論衡
物勢篇

山頂之溪不通江湖然而有魚水精自為之也廢庭壞

殿基上草生地氣自出之也

王充論衡
講瑞篇

山特自生萬物以足百姓不為百姓故生之也

淮南子
詮言訓

解

必若人物皆天地所作則宜皆好而無惡悉成而無敗

衆生無不遂之類而項揚無春彫之悲矣

抱朴子內
篇塞難

陶者作器於鈞上此以造化為大鈞也

前漢書註
賈誼傳

王云其地坦而平其水淡而清其人廉而貞孫云其山
巖巍以嵯峨其水渾渫而揚波其人磊落而英多

世說新語

語言

雷之餘聲鈴鈴所以挺出萬物也

埤雅天部門雷

霜以殺木露以潤草

事類賦天部露註

五行東方木而丹章有金銅之山南方火而交趾有大

海之川西方金而蜀隴有名材之林北方水而幽都有

積沙之地此天地所以均有無通萬物也

困學紀聞卷四周禮

或無根而生或無足而走或無耳而聽或無口而鳴道德

經指歸

卷八

五星聚天市而聖人生五行配地炁而萬物形金庭無為妙經

天有五氣萬物化成木精則仁火精則禮金精則義水精則智土精則恩五氣盡純聖德備也木濁則弱火濁則淫金濁則暴水濁則貪土濁則頑五氣盡濁民之下也中土多聖人和氣所交也絕域多怪物異氣所產也

法苑珠林
卷三十三

感應

夫蒲盧之氣，嫗煦桑蟲，成為已子，況乎天氣，因人之精，就而神之，反不使子賢聖乎？

毛詩正義生民

孟康曰：先冬至三日，縣土炭於衡兩端，輕重適均。冬至日，陽氣至，則炭重；夏至日，陰氣至，則土重。

史記天官書註

蔡邕律歷記：候鐘律，權土炭。冬至，陽氣應，黃鐘通土炭，輕而衡仰；夏至，陰氣應，蕤賓通土炭，重而衡低。進退先

後五日之中。

史記天官書註

疾病有治而未瘳瘳而未平平而未復教化之道有教

而未行行而未成成而有敗故氣類有動而未應應而

未終終而有變遲速深淺變化錯於其中矣

前漢紀
高后

陰陽燧在掌握之中形不出手乃上引太陽之火下引

太陰之水噓吸之間煙景以集

魏志管
輅傳註

夫天地閉大浸生雲雷屯羣凶作

晉書乞伏
國仁列傳

今室閉戶牖動天地一室也

呂氏春
秋制樂

夫燠一炬火爨一鑊水終日不能熱也倚一尺冰置庖

厨中終夜不能寒也何則微小之感不能動大巨也今鄒衍之歎不過如一炬尺冰而皇天巨大不徒鑊水庖厨之醜類也一仰天歎天為隕霜何天之易感霜之易

降也

王充論衡
感虛篇

人在天地之間猶魚在水中矣其能以行動天地猶魚

鼓而振水也

王充論衡
變虛篇

壯士挺劍氣激白虹鯨魚潛淵出則邑悚

山海經西
山經圖讚

彗星橫天鯨魚死浪鵠鳴於邑賢士見放厥理至微言

之無况

山海經南山經圖譜

嶢崩涇竭麟聞日薄九鍾將鳴凌霜乃落氣之相應觸

感而作

山海經中山經圖譜

北方有地美而寒不生五穀鄒子吹律暖之而木叅滋

也

張湛註列子湯問

天居高而鑒卑故其網雖疎而不漏神聰明而正直故

其道賞真而罰偽是以惠和暢於九區則七耀得於玄

昊殘害著於品物則二氣謬於四八

抱朴子外篇廣譬

匹夫履順則天地不違一物投誠則神明可交事有微而逾著理有闇而必昭是以魯陽傾首離光為之反舍有烏沸波河伯為之不潮

廣文選顏延年範連珠

誅不原情其霜附木不下地不教而誅其霜反在草下

初學記
天部霜

人生氣中如魚在水水濁則魚瘦氣昏則人病

本草一卷

陽燧以取火非日不生光方諸非星月安能得水漿二

氣雖懸遠化感而相通

參同契

類召

同聲相應高下不必均也同氣相求體質不必齊也召雲者龍命呂者律故二女相違而剛柔合體隆墀永歎

遠壑必盈

周易略例明文

鳴鶴在幽陰之處雖在幽陰而鳴其子則在遠而和之

以其同類相感召故也

周易正義繫辭上

日掌陽月掌陰星掌和陽為德陰為刑和為事

管子四時

天網恢恢疎而不失

老子任為

天之道其猶響之報聲也德積則福生禍積則怨生

文子

符言

若風之過蕭忽然而感之各以清濁應

文子自然

隱幾也者陰陽之反也如以匙勘鑰也如以璽印塗也

必以其類其應如響

子華子晏子

五雲之變可以卜當年之豐歉八風之朝可以卜當時

之吉凶是知休咎災祥一氣之運耳

關尹子二柱篇

日者陽之主也是故春夏則羣獸除日至而麋鹿解月

者陰之宗也是以月虛而魚腦減月死而羸蠃焦火上

籌水下流故鳥飛而高魚動而下

淮南子
天文訓

物類相動本標相應故陽燧見日則然而為火方諸見
月則津而為水虎嘯而谷風至龍舉而景雲屬麒麟闕
而日月食鯨魚死而彗星出蠶珥絲而商弦絕賁星墜
而渤海決

淮南子
天文訓

山氣多男澤氣多女障氣多暗風氣多聾林氣多瘝木
氣多偃岸下氣多腫石氣多力險阻氣多瘻暑氣多天

寒氣多壽谷氣多痺丘氣多狂衍氣多仁陵氣多貪輕
土多利重土多遲湍水音小濁水音大湍水入輕遲水
入重中土多聖人皆應其類

淮南子
地形訓

夫陽燧取火於日方諸取露於月天地之間巧厯不能
舉其數手微忽恍不能覽其光然以掌握之中引類於
太極之上而水火可立致者陰陽同氣相動也

淮南子
覽冥訓

山雲草莽水雲魚鱗旱雲煙火涔雲波水各像其形類

所以感之

淮南子
覽冥訓

月盛衰於上則羸蠟應於下同氣相動不可以為遠

淮南

子說
山訓

山雲蒸柱礎潤伏苓掘兔絲死

淮南子
說林訓

夫濕之至也莫見其形而炭已重矣風之至也莫見其象而水已動矣日之行也不見其移騏驎倍日而馳草木為之靡縣塗未轉而日在其前故天之且風草木未動而鳥已翔矣其且雨也陰暄未集而魚已噞矣以陰陽之氣相動也故寒暑燥濕以類相從聲響疾徐以音

相應也

淮南子
泰族訓

天人之應所由來漸矣故履霜堅冰非一時也仲尼之

禱非一朝也

申鑒
時事

日南至則黃鐘應融風動而魚上冰蕤賓統則微陰萌

兼葭蒼而白露凝寒暑相推陰陽代興

蔡中郎
集釋論

夏末蜻蛚鳴寒蟬啼感陰氣也雷動而雉驚發蟄而蛇

出起陽氣也夜及半而鶴唳晨將旦而雞鳴此雖非變

天氣動物物應天氣之驗也

王充論衡
變動篇

陰中之陽陽中之陰各以物類自相求從夏日為陽而夕夜遠與冬日共為陰冬日為陰而朝晝遠與夏日同為陽皆異於近而同於遠也

張湛註列子仲尼

箕麗於月而飄風起畢動於天而驟雨散

劉子類感

故銅山崩蜀鐘鳴於晉淄澠共川色味異質感動必類

自然之數也

劉子類感

龍舉一井而雲彌九天虎嘯一谷而風扇萬里陽燧在

堂而太陽火方諸運握而少陰水類感之也

劉子類感

黃帝問師曠曰吾欲知苦樂善惡可知否對曰歲欲豐
甘草先生甘草薺也歲欲苦苦草先生苦草亭蒨也歲
欲惡惡草先生惡草水藻也歲欲旱旱草先生旱草蒺
藜也歲欲疫病草先生病草艾也

藝文類聚
草部草

青為蟲白為兵赤為旱黑為水黃為豐年此五雲吉凶
之祲也

埤雅天
道門雲

天中極星崑崙之墟天門明堂太山之精中挺三台也
五靈諸侯也岼岐荆山壺口雷首太嶽砥柱東方之宿

也析城王屋太行常山碣石西傾朱圉北方之宿也鳥
鼠太華熊耳外方桐柏嶓冢陪尾西方之宿也荆山內
方大別岷山衡山九江敷淺原南方之宿也九隘之險
九河之曲潏水三危汶江九折上為列星

玉海天文
天文圖

日陽也陽用事則日進而北晝進而長陰用事則日退
而南晝退而短日之南北失節晷過而長為常寒退而
短為常煥凡君行急則日行疾君行緩則日行遲

玉海
天文

主景

聲之陰陽各有合辰與建交錯貿處如表裏然其相生則以陰陽六體為之同位者象夫妻異位者象子母所謂律取妻而呂生子也

玉海律
厯律呂

立竿見影呼谷間響豈不靈哉天地至象

參同契

夫聖人之起度數必應於天地故天有宿度地有經水人有經脉天地溫和則經水安靜天寒地凍則經水凝泣天暑地熱則經水沸溢卒風暴起則經水波涌而隴

起黃帝素問內經
離合真邪論

如礪石力令鐵轉移雖無有心似有心者

大乘密嚴經卷下

夫銅山崩洛鐘應葭灰缺月暈虧未見虎嘯而風不生

龍騰而雲不起

辯正論卷六

水泉之源必有神龍居之

高僧傳九竺佛圖澄

所主

夫少者多之所宗一者衆之所歸陽卦二陰故奇為之

君陰卦二陽故耦為之主

韓康伯註易繫辭下

日統領月之功猶若君統領臣之功以為已功

禮記正義月令

物君金物臣木金主利用物之君也木為金所剋服故

為臣矣

三墳
山墳

混沌為太始太始者元胎之萌也

三墳
山墳

火為坤母巽為離父金乃坤孫

乾坤鑿度
坤鑿度下

五音非宮不調五味非甘不和

隋書音
樂志下

地者萬物之本原諸生之根苑也美惡賢不肖愚俊之所生也水者地之血氣如筋脉之通流者也故曰水具

材也

管子
水地

音有五聲宮其主也色有五章黃其主也味有五變甘

其主也位有五材土其主也

淮南子
地形訓

金木水火雖各職不因土方不立若酸醎辛苦之不因

甘肥不能成味也甘者五味之本也土者五行之主也

五行之主土氣也猶五味之有甘肥也不得不成

春秋
繁露

五行
之義

陽苟一焉五陰何得不同而歸之陰苟隻焉五陽何得
不同而從之故陰爻雖賤而為一卦之主者處其至少

之地也

周易畧
例明象

夫少者多之所貴也寡者衆之所宗也一卦五陽而一

陰則一陰為主矣五陰而一陽則一陽為主矣

周易

畧例
明象

斗在天中周制四方猶宮聲處中為四聲綱也

前漢書
註律曆

志

中國川原以百數莫著於四瀆而河為宗也

李善註文
選江賦

日猶火也月猶水也火則施光水則含影故朏生於向

日魄生於背日當日則光盈近日則明減

藝文類聚
天部月

月與星至陰也有形無光日照之乃光如以鏡照日而

有影見

藝文類聚
天部月

日者寸也月者尺也尺者紀度而成數也寸者制萬物

陰陽之短長也

太平御覽
天部三上

天月無度借日度為度天月無光借日光為光經星亦

然故日者實也君主之象也凡天象以日為主

太平御覽
天部

四日
五

夫無聲者五音之祖無形者萬物之君本其祖然後精

商徵之妙理其君然後正研朴之容

太平御覽樂部雅樂下

包四瀆以稱王摠百川而為主

初學記地部河註

大中之道在天為北辰在地為人君

玉海天文圭景

周公曰大哉言數請問用矩之道商高曰平矩以正繩

偃矩以望高覆矩以測深卧矩以知遠環矩以為圓合

矩以為方

玉海天文書上

黃鍾不復與他律為役者黃鍾至尊無與並也

玉海律歷律呂下

道德不生萬物而萬物自生焉天地不含羣類而羣類
自託焉自然之物不求為王而物自王焉故天地億萬
而道王之衆陽赫赫而天王之陰氣溍溍而地王之保
者穴處而聖人王之羽者翔虛而神鳳王之毛者蹠實
而麒麟王之鱗者水居而神龍王之介者澤處而靈龜
王之百川竝流而江海王之

道德經指
歸卷十一

乾坤者易之門戶衆卦之父母坎離匡廓運轂正軸牝
牡四卦以為橐籥覆冒陰陽之道猶工御者準繩墨執

銜轡正規矩隨軌轍

參同契箋
註上篇

尊莫尊於諸天也而大彌羅天乃天中之天貴莫貴於

諸帝也而玉皇上帝乃帝中之帝

玉皇本
行集經

譬如衆流皆歸於海如衆散小王皆屬轉輪聖王如衆

小明皆屬於日

大智度論
卷三十七

夫六合同曜靈之鑒羣流歸百谷之王

弘明集
十四

喻林卷二